

長興高氏派譜序

高氏派譜者譜吾高氏之在吾綾州與其在淳潭間者也吾高氏入綾州在吾行爲十五世今家可以數百計人三四倍于是庶可曰不爲少則亦可以一時從簡便爲派譜也况吾高氏在吾東土甚遍可謂其麗不億矣若大同之而譜此固當然但卷帙浩大不可家藏而戶有之亦非可以一兩年了之者此吾譜之作所以爲吾譜之作亦其勢之然也人有難之者曰孔聖有言同姓爲宗有合族之義故繫之以姓而不別綴之以食而不殊今譜不以大同而別之無乃不可乎曰是不然孟子嘗曰人親其親長其長而天下平天下平猶然况人一家事何獨不

自檢校公至曾孫叅議公諱臣傳值麗末國初不肯屈節就仕
我太宗大王至有待同年何太薄之教則其罔僕之清風
高節不愧於周之首陽宋之栗里生諱悅以松京王氏益原大
君炤之外孫耻外家之籬而終身隱德不仕我朝贈戶曹叅
判生諱尙志尙德尙志彰信校尉贈左通禮尙德文科司憲
府持平趾父祖之烈而節義道德炳烺於世爲我宗之所共祖
也自後氏葉蕃衍簪組輩出不亦休哉嗚呼視其祖則均是子
孫也而若不明辨昭穆敦尙彝倫則以一人之身而將至於路
人誰知今日之路人即昔日一人之身乎故自昨春列郡分居
之雲仍始發同譜之議寔自累式大同譜以後所創也同聲相

應捷於桴鼓影響而無生圭角其非承先裕後之大幸哉同心
合單剗廟之役今至完了則竊願僉宗體念先賢之厚風俗
明孝悌之義互相服膺而益勉親親勿以踈遠而忽之勿以寒
微而卑之今日之親親皆由於自先世而有斯修也其可忽乎
其可已乎使後屬效今日之親親亦如今日之效先世之親親
則明繼之詳序倫之樂不替引之至于無窮盍相勉哉拱手而
俟之

歲己巳仲春之中澣後孫光茂謹書

己亥大同譜序

古無譜蓋于時也太極肇判人文尙樸不期乎親而九族迺親

少焉一生兩兩生四而八而十百千萬而世日益遠親日益忘不知吾祖宗之所自出者滔滔耳幾何而其不爲倫常隨素行路相視也哉自之世下君子人惟是之懼作爲譜牒使玄遠苗裔一開卷而瞭然於目便知本源如此昭穆如此又從以生孝悌之心焉則其於攝人心厚風俗爲補也不旣多乎然此特各成一家私乘耳吾宗之譜異於人系出耽羅世爲君長洎中葉有封長澤今長興也與濟州爲貫自此而分然世代文獻丁收無傳此誠家蹟之欠典而檢校公寔爲起家之祖三傳至侍郎公以前朝世臣值我國初特守西山之節是生叅判公掌令公兄弟克趾先烈皆隱德以終焉是知醴泉固己有源而自後

嗣續椒聊門闌彪炳有以文章道學宗仰百世有以忠孝節義
聳聞天下有以清銜顯閥軒耀家國其餘懿行奇節比比有之
則溯而上之謂之國乘可也沿而下之謂之儒林傳可也謂之
三綱錄亦可也然則爲子孫者可不謚乎爲凡人之子孫易賢
人之子孫難惟我宗姓母徒以敦親敬宗爲吾事已了而益思
所以聿修厥德無忝爾所生然後今其修譜之義庶幾乎若其
世德之詳派分之由規例之論已於舊譜諸序殫矣更何敢容
喙哉噫譜者蓋所以明本源收宗族而在中昔庚戌松雪公派
妄欲添註惹成釁梗至今異牒相傳今又數派樂爲自逸自祖
先視之均是子孫也而子孫强而分貳譬諸樹木豈非以一根

而剖分其枝乎竊庸慨然而若使祖先有靈亦應含憾於泉臺
之下矣由此觀之苟講敦睦張氏九世不爲多不然骨肉楚越
奚止松雪公及數派而已哉願與譜中之人監戒于此而以祖
先均視之心爲心永世一心則可以回前日路人之視而亦安
知今日未統之宗幡然改悟有所收攝於來後也哉謹拱手而
唉之

歲己亥孟春後孫前校理儀相謹序

己巳大同譜序

聖人設教以明彝倫底物事而堯之親九族舜之敷五教以之
黎民時雍百姓乃親則是豈非絜規治平之道而櫟括於修齊

者歟是以上而卿士大夫之尊貴下而閭術民庶之寒微罔不
講明孝悌而爲仁之本立焉敦尙和睦而興讓之俗作矣世降
叔季教化寢微人心渙散孝悌敦睦之道幾乎熄焉故作爲譜
牒使之親親長長而明明德於天下則爲譜也雖似爲一家私
乘而大不是裨益於治國者道歟唐之氏族志權輿于作譜之
法而眉州之蘇明允及我河南程夫子之譜序已闡發這個大
道理矣詎不贊哉吾宗本出耽羅共祖乙那而君長於東瀛者
五十餘世在新羅有星主王子之號而逮勝國移封長澤長澤
君以後系牒緬漠文獻莫徵便似夏殷之徵於杞宋斯不爲吾
家之欠歎乎自檢校公始起世而三傳至叅議公值麗末國初

自靖罔僕我 太宗大王至有待同年何太薄之 教則名節
固已有本而寔爲我南州諸宗族之所共祖也嗚呼我先祖積
累之澤如醴泉之發源靈芝之敷榮而子姓蕃衍有以忠孝節
義維張人紀有以文章道德誘掖世道羽儀於國鋗範於家則
此豈非先謨之垂裕後昆者然歟規模凡例桐月李公己議定
於己丑而派系之分世德之著又於族祖復軒公庚戌之序暨
我先君子獨善齋公辛丑之述備矣不肖更何必費了架疊之
說哉噫庚戌之譜不幸有歧貳之舉而辛丑之牒繼又有廝崖
之論先君子嘗以是慨惜而以不遠復三字符標揭於弁卷之
美矣於今雖未盡合得庚成分張之論而幸有宗黨諸長老大

同協從之議則不遠復之訓安知非爲今日而發哉不肖於斯重有所感不揆僭妄敢用繼述而以蘇明允孝悌油然之語程夫子收宗厚風之訓歷告於修譜之僉宗焉

崇禎二百四十二年己巳夏六月後孫七柱謹序

辛丑大同譜序

程子曰管攝天下人心收宗族厚風俗使人不忘本余嘗竊取而槩括乎古人作譜之意蓋欲明本源睦宗族以爲講脩彝倫底物事而若其節義文行有能軒曜磊落垂百世而不朽者可使人景仰興起則其所以裨益於世道者尙矣况爲其後者不思所以講求繼述之義忠貞自守孝悌相敦哉此譜系之重其

本而敦親厚風者然也吾宗世貫耽羅共祖乙那厥初瀛洲漢
寧山下有高夫良三神人從地湧出皆名乙那高乙那君於耽
羅上下五十餘世在新羅有星主王子之號至麗代移封長澤
君長澤以後亦未知閱幾世而爲今之始祖也蓋其系籍緬遠
又佚於兵燹文獻不可得以徵焉自我先祖檢校公三傳至叅
議公當乎麗末國初守節罔僕我太宗大王有待同年何太
薄之教則名節固已厚本深源而至于今本支百世子姓蕃
衍徃在中葉精忠大節文章德業亦世輩出有足以維張人紀
管攝世道者莫非祖先積修厚德之攸啓其事實之詳派系之
分已於族祖復軒公舊序備矣不敢立言重複而第今修譜之

義莫若合族講睦以明親親底道然後有相統攝庶不至於宗法乖舛矣夫何一宗之敦睦未聞諸派之爻象多端庚戌之譜不幸有分異之舉今或有矛盾之議一東一西譜牒未完大硬小礙親誼壞了嗚乎今我同宗其麗幾何自祖先視之則均是子孫而後屬之漸疎乃至於相視爲路人其得無憾我之先靈乎言之至此可謂於悒然而睦親者是人彝也人彝者是天理而理之循環無往不復未知不遠之復復在於後歟雖未能普合吾宗而凡我同譜之人講修敦睦之誼思所以永世勿替則亦爲今小貞之吉也盍相警惕哉謹爲之識

崇禎二百十四年辛丑仲夏後孫前叅奉濟應謹序

庚戌大同譜序

古聖人立教先修人彝必因其仁義之性而倫常有則申其孝悌之方而親疎有序邦敷五教鄉講六行所以明其倫也聖遠教弛親親悌長之義幾乎熄矣而修譜之法作焉此實明倫之餘教也夫自一人之身親盡而至路人者親疎之勢使然也其使孝悌之心油然而生者修譜之所爲教也其可曰無如世何而不明其教哉世之縫校剗劂家布而戶奉者非欲徒事乎標末而先講此義燕私湛樂孝悌相敦其惟知譜之本乎吾宗本出耽羅共祖乙那其故實之可傳者觀於高判尹瀛洲誌詳矣嘗於麗代賜貫長澤由來幾百年兵燹屢經文獻無徵而檢校

公爲今之始祖自乙那至檢校公不知爲幾世自檢校公三傳
始入我朝湖之寃城是本源之地也支派之分肇自我鼻祖
叅議公後而興德之宗自此分焉其在寃城又分而爲七派其
在光山又分而爲列邑諸派散處南州宗族蕃衍而七派之中
本土仍居者二無后者二又因修譜而胥講親誼者二而其餘
皆是自光山分派人莫不由祖先之賢垂裕於後以立其門戶
則其所以尊本敬宗者要當求之於思先以勗矣念昔叅議公
當麗末國初守節罔僕我太宗大王至有待同年何太薄之
教則名節固已有本而寔爲諸派之所共祖也霞川公以己卯
之賢抱負宿望貽燕百世實啓我家範而贈議政公有孝友

嫺睦之至德以基忠孝烈三綱之休自我忠烈公霽峰先生孝
烈公隼峰毅烈公鶴峰三父子出而文章道德炳烺一世精忠
大節軒耀天地由是而名於世至於靜軒公值甲子丁卯之亂
與從子叅奉公再舉勤王之義晴沙公手擲權奸之餞盃月
峯公躡斥廢母之凶論遺風餘韻俱有來矣滄浪公從事沙
翁之門文學照人闇隱公又深窮格之學而西峰之撰墓誌詳
矣斯可知祖先之積修厚德蘊之爲仁義發之爲忠孝以樹百
世根基者不但爲一家之則而其裨益於世教人彝固不淺鮮
況我各派子孫其可忘先德而悖餘訓乎第於今之修譜抑有
感焉厥初三乙開國推高爲君星主王子之號至今若先天事

而玄胄曼緒遙歷鷄林之世遂失東瀛之系且雖知爲長澤君
苗裔而受貫以來未嘗有譜是固吾宗之闕典也惟幸丁亥之
譜尙有徵於戊子舊乘其規模凡例有桐月李公所議定而寧
簡不煩寧質無華又其大略義也今距強圉之歲倏過三紀而
遷就歲月經歷爻象蓋由親誼之未講也是知世教方隆不患
乎無譜而逮夫衰季難保親親之必篤則斯譜之作尤不容已
也惟我譜中之人特念同根之誼益樹敦睦之風無忝爾所生
無失古聖人立教是修譜之本意也盍相與勉之哉丁年始修
家君與泥村三從叔管編輯之役從叔遽已下世家君年迫八
耋矣今何幸僉執事完其役命余序顛末茲敢道明倫之義以

爲之識

歲庚戌仲春後孫前正言廷憲謹序

己丑大同譜序

有問于余者曰近來人家族譜之法盛行世之有族而無譜者鮮矣是果爲人事之不可闕者而其於世道亦實有所裨益否余曰譜是明本源收宗族管攝人心底物事睦嫗之道具焉此實人事之不可欠少者而宜其爲古今之所同尙也然若欲以世道之有所裨益爲言則須是譜中人忠孝節義輝映百世能使人景仰興起者然後始可與論於此此雖求之古人亦不多得而在近世惟長澤高氏譜爲然乎高氏之譜其可書者非一

二也其先肇自毛興之神人且國稱耽羅人號星主以其朝新
羅泊耽津而有客星之應也其亦異矣哉降及雲仍有封長澤
君者而後孫仍籍焉其與濟州爲貫者分派爲二實始於此然
其一系失於兵火不知自星主至長澤君凡爲幾世又不知自
長澤君至檢校公凡爲幾世而因並與長澤君名諱而不傳於
後此譜所以未免畧於古而只從檢校公加詳者也檢校公曾
孫叅議諱臣傳與我太宗大王有潛邸之舊錄原從勳然世
或傳其因物色而至也自稱爲前朝逋臣其子諱悅又隱而不
仕其世代風節亦可想也厥後佐郎諱雲罷賢良科歸老林泉
爲己卯完人至于霽峯公父子則其忠義孝烈之並生于一家

而風動于一世者直可以撐柱乎宇宙維張乎人紀則前所稱
裨益於世道云者到此更何足論也且其餘孝友節行文章之
士亦比比有焉較世之蠟聯富貴之族亦不可以此易彼矧其
先世以來清銜顯閥亦且代不乏人其爲一國名家者人無異
辭而白沙李公所云卞成陽家世太寂寥者亦知其非過與也
第此譜不與濟派同編而別刊以行者蓋其久遠世代既不相
聯屬而籍貫又與之不同其勢有不能相統攝者則自前諸老
成人已有定論而後之人持遵守而行之耳大抵族譜之法其
義廣矣最是敦睦二字具一言而蔽者則凡與同譜者第須推
原當初一人之身永保同源百世之親者古人作譜本意實在

於是而非欲爲世人瞻聆之美而設者可知矣嗚乎其可不相
與舒究而講明者哉霽峰後孫昊輝遠曠仲輝二人實尸編輯
之役要弁卷一言於余余於此譜其所以景仰興起有不後於
他人者敢略提其中大節拍關係於世道者以申與或人問答
商確之意焉

崇禎後三回己丑某月于支前翊衛司副率原城李毅敬謹序

濟州譜

始祖高乙那

寶明

偉

子時健
子三繼

子日望
子島濟

子斗命
子彥卿

子提
子寶明

子熿
子偉

子聖邦
子敬直

子幸天
子歡

子厚
子煌

子善主
子聖體

子知南
子敬直

子聖邦
子敬直

子體參
子敬直

聖邦

子文星

子季

子之孝

子淑

子贊方

子體參
子敬直

璣體

子聘

子翼

子瑞

子多鳴

子淡

子體參
子敬直

參璣

子聲震

子鴻

子處良

子遠

子表器

子體參
子敬直

迥

子致道

子冕

子天元

子好恭

子昭

子敬直